

太清境洞淵經第四

大洞太清經中寶雲玉座五色祥雲遍滿虛空無有窮盡諸天大聖及諸仙衆會集其中嗣後與經時有天童天女奉寶來獻供養正真願請大慈廣垂方便講說諸經散布道派乃至千經萬論總是妙義能令一切皆得解悟

天壽是時遂為衆曰凡道士女冠出家之後須持經戒法誓師各受當竭至誠得經之後不致恣道答師泄慢靈文殃及七祖受考察司若有至士聲竭丹誠德業清素立行正直世代所稱身心俱淨未聞道與秘要宜精心向道求師開度超登福吳進無上道既備經法同心一意必期冥感不得外假威儀內懷自足妄稱此長彼短妄言此是彼非嫉人勝已常懷勸誘莫妄未達如斯智慧日日增長以至無盡智慧難可稱揚夫三洞大經傳有年限上聖以四萬劫方傳上真上仙神仙以四千年或千年或七百年凡世以四十年若能明是經典實為不可思議賢智高以為

難過而況於末學道淺豈易得哉若有學士傾心期於一會宜須盡心永持聖誓精感神明不負初心久而不忘亦能進階仙品咸無上道惟恐無志中道自廢反覆害道非惟無功而且有罪汝等宜信吾言遵守教法廣度

流傳凡有祈請皆須依法受持端心正容羅列次第從容雅步聽十二時鍾持花讚引持節執爐把幡建旛雍容上壇凡道士女官自為及為人祈恩請福懺罪消災皆須至心意至誠懇禱闕格白言皆調暢聲氣使文理正直不得戲弄音曲高下作聲詞音混雜令衆恠異或行法事或禮謝讚唱講說皆須習使流利不應臨時停廢文禮斷續非惟關奏有失儀節且又招災咎每事專心執按本格儀範當覆福報無量無邊種種利益天真欣悅衆法和美如斯功德永臻福慶而說偈曰
淨為法果 大可稱揚 淨為法藥 救一切病
淨心為最 安樂為至 淨慶等一 無有邊際
世間道法 消除衆毒 先救滅渴 化彼眾生

令得成就了斷謝感 常有好事 符法深重

洞淵經靈符

康 康 康 康 康 康 康 康
康 康 康 康 康 康 康 康
康 康 康 康 康 康 康 康
康 康 康 康 康 康 康 康

太清境洞淵經第五

太清境內秘經第五
諸經功德歷劫秘藏華堂寶室之內不敢輕洩於下世今幸得聞若有受持之人行道演說持誦真經皆當以五色花置罰中每行道唱善則四散虛空名為散花以陳志願讀誦此經皆當先遠經一匝捻香禮拜三禮平座行淨水執香薰淨行經思神集氣讚歎歸依恭伸啓請方獲福報不可思議天真隱秘不明於世所以修真養氣之士難知要典我今略明汝當聽受無復異念乃可得聞至

士以不語為養氣此保氣也則失之昏以入清出濁為養氣此換氣也則失之虛昏則氣散神狂真靈自厭終無所歸虛者丹田無實徒勞吐納終不能住此皆非養氣所以招致病認為胎息自傷性命如此之流誤者甚多上咽下攝聚氣修神指作還丹自傷性命如此之流誤者甚多綿綿若存委氣而和神出息入息要住納之不出閉氣而練形一咽復一咽雙收兩夾以虛咽為法是借氣取水灌澆之術也認為已固身田反以自虛如此之流誤者甚多正坐昇身氣滿四大血絡通行營護和暢是布氣焚身之法若此皆非養氣而認為凝神坐忘反喪身官命如此之流誤者甚多凡此等事者皆術也術立則道消所謂修真者當因術以明道而至於道因天地生成而來乎道則得乎道失道者以虛無自然之氣而生混沌而全乎道混沌鑿七竅而混沌死而有天地天地判而難全乎道天地會陰陽而動神氣發用生人禽獸神氣靜而生草木山石及其人以男女會合而生草木

以種則天地化生之機已滅凡應以術是無天地之機安可言道夫修真養氣是全道應天地氣為修真養氣以至湛然常應常靜處於無事而若有事處於有事而若無事可言道矣而說偽曰

此道一行而無有形安可有術略明其粗一切眾生咸皆解脫以勸導人令入真門是可希有現作無窮用之不盡因以導人施以無畏學者正意莫迷一術結種種願

內秘經靈符

素虛虛虛
虛虛虛虛
虛虛虛虛

太清境內秘經

太清境真一經第六
真一之氣因道而生受氣而生受氣而成而謂之命自真一稟形能全其性命之動皆主乎心心若有所思則謂之意意之運動有所思慮而謂之志思慮以至成事而無不固

者謂之智智周萬物謂之慮動以營身謂之寔靜以鎮身謂之鬼流行骨肉謂之血保形養神集氣謂之精神和而悅氣積而快謂之和神集氣而後有所營護總括百骸謂之身眾象備見謂之形塊然不動謂之質形貌可則謂之體小大有分謂之軀眾思不得謂之神漠然變化謂之靈氣來入身謂之生氣去于形謂之死所以適生謂之道道者有而無形無而有精變化不測通神群生自得其生自得其養所以全道乎粗亦得其生成皆當自然不可逆理汝等當依吾言以廣教化不得邪生別見以亂正真勸人修道即以修心教人修心自可見道道不可得見因心以見道不可得聞因心以聞夫聞見於道皆因以心心不可常用道以守若非以道守隨心聞